

Gvangjsih Minzcuz Bau

Cawigueni: Gvangsih Bouxcuengh Swcigh Minzcuz Cunghvau Swvu Veijvenzvei

Cawjbanh: Gvangsih Minzcuz Bause

Geiz neix 8 bani

广西民族报 Aenhauh okbanj: CN45-0036

B.2025

Nd.12 Ng.3

Liggaeuq ietceih nienz ndwencib cibseiq Geizsoq: Gungh daih 3696 geiz

Sawsonhag 《Gij Gailun Aen Swhsiengj Ak Bing Siz Ginbingz》Okbanj Fathengz

Vih haeujlaeg doekguh aen swhsiengj sevei cuji miz gij daegsaek Cungguek seizdaih moq Siz Ginbingz, lai doinyoengx aen swhsiengj ak bing Siz Ginbingz haeuj sawsonhag haeuj dangzgoq haeuj uk, engq ndei son vunz, vih hoenx ganq vunz, Cunghyangh Ginhvej Cwngci Gunghcozbu cujci bienraiz 《Gij Gailun Aen Swhsiengj Ak Bing Siz Ginbingz》(bailhaj genjdanh heuh 《Gailun》), gaenq hawj Gaijfangginh Cuzbanjse okbanj fathengz.

《Gailun》 dwg sawsonhag

gyonjbien baenzroix lwnhgangj aen swhsiengj ak bing Siz Ginbingz liuxliux, dwg cek saw gienzvi dangz cwngci lijn aen hagdangz bingdoh. Bienraiz okbanj caeuq yungh 《Gailun》, doiq engq ndei yungh aen swhsiengj ak bing Siz Ginbingz couq hoenx ganq vunz, sonyinx guenbing bouxcoz lai rox daengz “song aen laebdingh” ndaej gietdingh guh baenz hongsaeh, guh maenh aen giek swhsiengj cwngci dingq dangj cijveih, haengguh ak bing, roengzrengz guhbaenz boux vunzmoq seizdaih

dawz ndaej rapnaek ak bing miz yungh lailanglang.

《Gailun》miz daujlun, 15 cieng cawjdaej neiyungz caeuq vahasbyai gapbaenz, naeuz gij cingzgoj ceiq moq gij ginhsw cijdauj lijn dangj cauhoq hwngfat liuxliux, daegbied dwg doiq hwngfat gij ginhsw lijn Majgwzsw cuji miz yungh lai, naeuz le aen swhsiengj ak bing Siz Ginbingz dazyinx hengzguh ak bing aenndaej gij cingzci doenghbaez caengz miz gvaq, miz gaijbienq hungloet. 《Gailun》cungsaed nyuenz saw nyuenz faenz

nyuenz ngeih, doedok aen dazyiengq sonhag caeuq aen ceijyiengq saedguh, yawjnaek haeujlaeg lwnh dauhleix hag leix, gangj cingcuji gij iugouz baijbouh aen hong ak bing seizdaih moq dangj raeuz, aeu bingdoh yinzminz hwnqguh baenz bingdoh daengdaez seiqgyaiq, bangrengz aeu aen swhsiengj ak bing Siz Ginbingz cienjbaenz ciengz ciengq gunghoj guhbaenz gaiq hong buekguh hwnqguh bingdoh bak bi, doihaeuj gij rengz ak aen saehnieb ak bing seizdaih moq.

(daj 《Sinhvazse》aeu daeuj genj hoiz)

Yungzsuij Guh Ciet Max Doxdik

11 nyied 28 hauh daengz 30 hauh, Yungzsuij Myauzcuz Swciyen guh ciet max doxdik boq venz Yungzsuij gaiq daih ngeihcib sam, baez ciet neix cawjdaez dwg “nungz vwnz lij yungzhab + minzcuz doxgiet”, guh yienghsaeh lai cungj lai yiengh, ciuyinx Gveicouh Leizsanh, Huznanz Dunghdau, Gvangjdungh Can’gyangh doenghgij dieg neix gak cuz vunzlai caeuq vunzlai dangdieg baenz fanh vunz caez daeuj gvaq ciet. Ndw doz dwg gvaq ciet yienhciegz.

(Vangz Yinz ingi)



Swcigh Cazloegbauj Hwngfat Diuzlaeh Byaujgez Doenggvaq

11 nyied 27 hauh, Swcigh Yinzda Cangzveijvei lwnh vunz rox, 《Gvangjsih Bouxcuengh Swcigh Cazloegbauj Hwngfat Diuzlaeh》(bailhaj heuhguh 《Diuzlaeh》) ginggvaq Baez Hoih Daih Ngeihcib It Swcigh Gaiq Cibseiq Yinzda Cangzveijvei byaujgez doenggvaq, yæk youq bicog 1 nyied 1 hauh hainduj hengzguh.

Cazloegbauj dwg aen canjnieb caz miz gijndei daegsaek gih raeuz. Daengx gih seizneix miz suencaz habguh cazloegbauj daih’iek 100 fanh moux, cazloegbauj canjliengh ciemq daengx gih mbawcaz canjliengh 30% doxhwnj, gyonj dij cienz mauhgvaq

300 ik maenz. Hoeng canjnieb hwngfat hix miz giz yæz senjleh ceh ndei doigvangq mbouj doh, giekdae sezsih noix, gyagoeng yo cang faensanq, rengz binjbaiz mbouj hung doenghgij neix. Doiq doenghgij vwndiz neix, diuzlaeh daj diuzlien swnghecanj, diuzlien siugai, diuzlien gohgi, diuzlien fugsah caeuq diuzlien vwnzlij daengj haj aen fuengmienh roengz fap, gveihfan ndaem caz, mbawcaz gyagoeng, yo cang bienq geq, guenjhanh caetliengh, binjbaiz hwnqguh, gohyenz cauhoq, canjnieb hwngfat, vwnzva doigvangq daengj, dazyinx caeuq doinyoengx cazloegbauj hwngfat

ndei saed.

Binjbaiz hwnqguh fuengmienh, doiq yiengh seizneix gih raeuz cazloegbauj giyez binjbaiz, canjbinj binjbaiz lai cix mbouj ak, diuzlaeh mingzbeig iugouz Swcigh Yinzminz Cwngfuj caeuq yinzminz cwngfuj dieg guh cazloegbauj wnggai gyaak hwnqguh caeuq baujhoh binjbaiz cazloegbauj, haeujcoengh doigvangq cazloegbauj gvendaengz gizdieg goengyung binjbaiz, canjbinj deihleix biugeiq; haeujcoengh aen cawjdaej guenjuh swnghecanj cazloegbauj ganq giyez binjbaiz caeuq canjbinj binjbaiz, ciuqfap daengheiq sanghbyauh, bauq gaiqgwn saekloeg, nyinhcingq baenz

huq ndei saekloeg daengj, lai hawj cazloegbauj mizmingz, miz rengz, lai dwkyiengj aen binjbaiz cazloegbauj Gvangjsih.

Bouxsuhfei lai haeujrwz cazloegbauj ndei mbouj ndei, an mbouj ancienz. Vih hawj cazloegbauj Gvangjsih lai ndei, gyaak gamguenj daengx aen gyagoeng swnghecanj mbawcaz, diuzlaeh lij daj daengx aen senj ganq ceh caz daengz swnghecanj gyagoeng laebhwnq aen dijhi baujhoh caetliengh ancienz daengx diuzlien “daj suencaz daengz cazboi”.

(daj 《Gvangjsih Yizbau》aeu daeuj genj hoiz Sez Hungzyen)